

Contra a devandita aprobación, poderán os interesados interpor, se así o estiman, recurso contencioso-administrativo consorte o establecido no artigo 171.1 do Real Decreto Lexislativo 2/2004, de 5 de marzo.

Tomíño, 3 de decembro de 2008.—A Alcaldesa,
Sandra González Álvarez. **2008012454**

* * *

T U I

E D I C T O

Quedando definitivamente aprobada a Ordenanza Fiscal reguladora da taxa pola prestación do servizo de axuda no fogar, por aplicación de que dispón o número 3 do artigo 17 do RDL 2/2004, do 05.03, TRLRFL, e para dar cumprimento ó sinalado no apartado 4 de dito artigo, insírense o texto da mesma:

**ORDENANZA FISCAL REGULADORA DA TAXA
POLA PRESTACIÓN DO SERVIZO DE AXUDA
NO FOGAR DO CONCELLO DE TUI**

No uso das facultades conferidas polos artigos 133.2 e 142 da Constitución e polo artigo 106 da Lei 7/85, de 2 de Abril, reguladora das Bases do Réxime Local, de conformidade co disposto nos artigos 15 a 20 do R.D. Lexislativo 2/2004, do 5 de Marzo, polo que se aproba o texto refundido da Lei Reguladora das Facendas Locais, o Concello de Tui, establece a taxa pola prestación do servizo de axuda no fogar a que se refire o artigo 20.4 n) do R.D. Lex. 2/2004, do 5 de marzo, que se rexerá pola presente Ordenanza Fiscal, con normas que atenden ó previsto no artigo 58 do mencionado Real Decreto Lexislativo.

ARTIGO 1. FEITO IMPOÑIBLE:

Constitúe o feito imponible desta taxa a prestación do servizo de axuda no fogar que comprende a realización das seguintes actividades:

- a) Axuda de carácter persoal (aseo e coidado persoal; axuda para comer e control do réxime alimentario; administración e control de medicamentos baixo control médico; apoio a mobilización dentro do fogar; acompañamento para visitas médicas, realización de xestións e tramitación de documentos e outros análogos; facilitación de actividades de ocio; outras atencións persoais).
- b) De carácter doméstico (labores de compra e preparación de alimentos no fogar; lavado, pranchado, cosido e colocación de roupa; limpeza e mantemento da vivenda e realización de pequenas reparacións e outras tarefas

que non impliquen a intervención de especialista).

- c) De carácter psico-social e educativo (potenciar as habilidades sociais; modificación de hábitos e costumes inaxeitadas referentes a hixiene e limpeza; organización e administración do orzamento familiar, organización doméstica; apoio a integración social).
- d) De carácter técnico e complementario (xestión conducentes a posta en funcionamento do servizo en condicións axeitadas ou para permitir, mediante o apoio de novas tecnoloxías, a atención inmediata en situacións de crise ou emerxencia- teleasistencia domiciliaria, e outras,).

ARTIGO 2. SUXEITOS PASIVOS:

Serán suxeitos pasivos desta taxa a título de contribuíntes as persoas físicas, xurídicas ou entidades as que se refire os artigos 35 e 36 da Lei Xeral Tributaria que soliciten e se beneficien da prestación do servizo.

ARTIGO 3. RESPONSABLES:

Serán responsables solidarios das obrigas tributarias do suxeito pasivo as persoas físicas ás que se refiren o artigo 42 da Lei Xeral Tributaria.

Serán responsables subsidiarios da débeda tributaria as persoas ou entidades as que se refire o artigo 43 da Lei Xeral Tributaria.

ARTIGO 4. EXENCIONES:

En virtude do establecido no artigo 24.4 do Real Decreto Lexislativo 2/2004, do 5 de marzo, gozarán de exención da obriga de pago da taxa aqueles contribuíntes cuxa capacidade económica sexa igual ou inferior ó Indicador de Rendado de Efectos Múltiples (IPREM)

ARTIGO 5. COTA:

A cota tributaria por este servizo virá determinada por:

- Duración do servizo concertado.
- Capacidade económica das persoas usuarias do servizo tendo en conta os seguintes criterios.

1.—Para os efectos da determinación da capacidade económica, considérase persoa usuaria aquela para a que se solicite o servizo. No caso de intervención con familias, entenderase como persoa usuaria a un dos membros adultos da unidade de convivencia responsable dos menores que formen parte dela.

2.—A capacidade económica (CAP EC) das persoas usuarias do servizo de axuda no fogar calcularase en atención a súa renda e, se é o caso, ao seu

patrimonio. Teranse en conta, ademais, as persoas convivintes economicamente dependentes, de acordo co establecido nos parágrafos seguintes:

a) A renda valorarase atendendo aos ingresos netos que se perciban, que comprenderan os rendementos de traballo, incluídas pensións e prestacións de previsión social (RT), calquera que sexa o seu réxime; os rendementos de capital mobiliario e inmobiliario (RM); os rendementos das actividades económicas (RA) e as ganancias e perdas patrimoniais (RP).

b) Para o computo do patrimonio estarase ao disposto na normativa fiscal en vigor sobre o patrimonio, entendéndose por tal o conxunto de bens e dereitos de contido económico de que sexa titular a persoa usuaria do servizo, con dedución das cargas e gravames que diminúan o seu valor, así como das débedas e obrigas persoais das que deba responder. Consideraranse exentos do cómputo a vivenda habitual na que se preste o servizo e os bens e dereitos cualificados como exentos na normativa aplicable sobre o imposto sobre patrimonio.

No caso de que a persoa usuaria tivese cónxuxe ou parella de feito, as rendas de ámbolos dous terán a consideración de rendas computables, entendéndose neste caso por renda persoal a metade da suma dos ingresos de ámbolos dous membros da parella .

c) A capacidade económica resultante por razón de renda determinarase dividindo a renda ou rendas computables (RC), de acordo co apartado anterior, entre a suma dos seguintes convivintes: o preceptor ou preceptores de rendas computadas e, se é o caso, o cónxuxe e os ascendentes, ou fillos/as menores de 25 anos, ou maiores desta idade en situación de discapacidade, que dependesen economicamente dos citados preceptores.

d) A capacidade económica resultante será a correspondente á renda da persoa usuaria, calculada de acordo cos apartados anteriores, modificada á alza, se fose o caso, pola suma dun:

I. 5% do valor do patrimonio neto (VPN) que supere o mínimo exento para a realización da declaración do imposto sobre o patrimonio en vigor a partir dos 65 anos de idade.

II. 3% para os do tramo de 35 aos 65 anos.

III. 1% para os menores de 35 anos.

e) Para o computo da renda ou patrimonio teranse en conta os datos correspondentes a última declaración fiscal dispoñible ou pensión coñecida.

De todo o anterior despréndense as seguintes formulas:

1. Usuario sen cónxuxe ou parella de feito, ou con cónxuxe ou parella pero que este careza de ingresos:

$$RC = \frac{RT + RM + RA + RP}{\text{Preceptor} + \text{Cónxuxe/parella} + \text{Acendestes ou Fillos} < 25 \text{ ou Maiores con discapacidade dependentes}}$$

$$CAP EC = RC + (5\%, 3\% \text{ ou } 1\% \text{ do VPN})$$

2. Usuario con cónxuxe ou parella de feito, que perciba ingresos

$$RC = \frac{((RT + RM + RA + RP \text{ da usuaria}) + (RT + RM + RA + RP \text{ do cónxuxe}))}{2}$$

Preceptor + Cónxuxe/parella + Ascendentes ou Fillos <25
ou Maiores con discapacidade dependentes

$$CAP EC = RC + (5\%, 3\% \text{ ou } 1\% \text{ do VPN})$$

En virtude do establecido no artigo 24.4 do Real Decreto Lexislativo 2/2004, do 5 de marzo, gozarán de exención da obriga de pago da taxa aqueles contribuíntes cuxa capacidade económica sexa igual ou inferior ó Indicador de Rendos de Efectos Múltiples (IPREM).

A cota mensual a pagar, será a resultante de multiplicar o número de horas de prestación do servizo pola tarifa/hora que corresponda segundo a seguinte escala:

ARTIGO 6. DEVENGO, PERIODO IMPOSITIVO E INGRESO

1.—As taxas reguladas na presente Ordenanza Fiscal devengarase no momento en que se notifique a prestación do Servizo.

2.—O período impositivo será mensual..

3.—O pagamento das taxas realizárase a mes vencido, unha vez prestado o servizo e dentro dos 10 primeiros días do mes seguinte, por domiciliación bancaria que autorizará o solicitante do mesmo, por escrito, no momento da concesión. Non se esixirá o depósito previo do seu importe parcial ou total.

ARTIGO 7. INFRACCIONS E SANCIONS

No relativo a infraccións tributarias desta Ordenanza será de aplicación o disposto na Lei Xeral Tributaria e demais normativa de aplicación.

DISPOSICIONS FINAIS:

1.—Non no previsto nesta Ordenanza Fiscal será de aplicación a Lei Xeral Tributaria e demais normativa de aplicación.

2.—Esta Ordenanza Fiscal entrará en vigor o día seguinte da súa publicación no Boletín Oficial da Provincia e comezará a aplicarse o 1 de Xaneiro de 2009 permanecendo vixente en tanto non se acorde a súa modificación ou derogación.

O Alcalde en funcións, Moises Rodríguez Pérez.

2008012544